



ОЁҚ КЎРПАГА ҚАРАБ УЗАТИЛАДИ

Самарқанд шаҳар ички ишлар бошқармаси 1990 йилнинг августида ташкил қилинди. Аввал фаолият кўрсатаётган туман ИИБ ўрнига 12 та бўлинма тузилиб, кўпроқ халқ билан бевосита мулоқотда хизматлар кўчатирилди.

Табиийи, бошқарма тузилиши билан хоналар масаласида, алоқа воситалари, техник жиҳозлар хусусида бир қатор муаммоларга дуч келинди. Бўлинмаларни жойлаштириш, ходимларга иш шароити яратиб бериш ҳам осонликча ҳал бўлгани йўқ.

Бироқ шуларга қарамай ўтган йилнинг охирида яна бир бўлинма тузилишига эришдик. Мазкур бўлинма атроф-муҳитнинг мусаффолигини сақлаш билан шуғулланмоқда.

Ходимлар яшаш шароитини яхшилашга ҳам эътибор ортди. Уй-жойга навбатда турган 130 ходимнинг уч нафарига хизмат уйи ажратилган муваффақ бўлди. 20 дан ортиқ ходимга эса уй қуриш учун ер ажратилди. Ўз навбатида қурилиш материаллари билан таъминлашда ҳам баҳоли қудрат ёрдам берди.

Мана милиция ходимларининг ҳуқуқий ва ижтимоий жиҳатдан ҳимоясини кўчатириш ҳақидаги қонуннинг чиққанига ҳам икки йил бўлади. Аммо ё биз бу қонунни ишлата билмаймиз, ё унинг бизга ишлагиси келмаяпти.

Биргина ўтган йилнинг ўзида ходимларга нисбатан 42 та ғайриқонуний ҳаракат содир этилган. Уларнинг 16 тасига жиноий иш қўзғатилган, 21 таси бекор қилинган, 5 таси маъмурий жазоланган. Шу ўринда воқеа юз берган вақтдан то судгача бўлган югур-югур, уни келтир, бунинг йўқ каби бемаъниликларга чек қўйиш лозим.

ЖҚБ, ТБ, участка хизматидаги ходимлар шахсий уловларидан фойдаланишди. Ҳозир бензин нархи, баллон, эҳтиёт қисмлар баҳоси осмонда. Бироқ қайси бошқарма ҳанузгача ходимларнинг шахсий машиналари учун эҳтиёт қисмлари ёки ёнилғи ажратган? Бу уларнинг ижтимоий муҳофазаланганими?

Ишдан кейинги хизмат учун қўшимча ҳақ тўлаш ҳақида қарор бор. Аммо кечаю кундуз ишлаган ходимларимизнинг қайси бирига у тўланди?

Одамларнинг милиция ҳақидаги фикрлари деярли бир хил: милиция билиши керак, қилиши керак. Ҳамма нарсага милиция айбдор. Мана куни кеча ўз яшаш шароитларидан нолиб талабалар бош кўтаришди. Бундай камчилик, нуқсонлар, яшаш машаққатлари милиция ходимида камми? Талабаку бир ёлғиз боши учун шунча ҳаққини талаб этаётми. Болачақаси унинггина қўлига қараб ўтирган милиционерчи?! Ахир, кечани кеча,

қорни қор, ёмғирни ёмғир демай, хизматини деб, болаларини ҳам уйқуда кўрадиган милиционерларнинг тили йўқми? Бор. Аммо улар ён-верига, кўрпасига қараб оёқ узатишади. Кечагина мустақил бўлган юртидан бугун фақат ўз манфаатлари йўлида имтиёзлар сўраш — ватан фарзандининг иши эмас.

Умри оёқда тик туриб заводда, эгилиб пахта даласида ўтган бир одам ҳам шунча нафақа олса-ю, кечагина билим юртига кириб, ўқий бошлаган ўқувчи ҳам шунга олса. Қани бу ерда мантиқ?!

Биз ҳам ўқиганмиз. Кечалари ҳаммоллик қилганмиз. Лекин ҳеч кимга зорланмаганмиз.

Гапнинг сирасини айтганда, ётоқхонанинг чирғи ўчсада, бир соат сув келмасада, милиция айбдорми? Нега толиблар ўзлари сайлаган ноибларга мурожаат қилишмайди? Нега билимгоҳ раҳбарлари билан бамаслаҳат ҳал этишмайди? Нима учун ётоқхоналарга, ошхоналарга депутатлар кирмайдилар-у, милиция кириши керак?

Хуллас, милицияга бундай қарашларни тубдан ўзгартириш лозим.

Милиция ҳақ-ҳуқуқлари чегарасини эса кенгайтириш зарур.

С. АҲМЕДОВ,
Самарқанд шаҳар ИИБ бошлиғининг ўринбосари милиция подполковниги.

Киров тумани ИИБ терговчиси милиция катта лейтенанти Ғанижон Акрамов мана 1984 йилдан буён шу соҳада хизмат қилиб келмоқда. Ўтган вақт мобайнида бу тиниб-тинчимас терговчи қанчадан-қанча жиноятларнинг очилишида бевосита иштирок этиб, қанчалаб қонубузарларнинг сирини фох этиб ташлади.

СУРАТДА: терговчи Ғ. Акрамов.

Ҳ. ШОДИЕВ олган сурат.

ЖИНОЙИ ҲАНГОМАЛАР

Ленинград туманининг Баковул қишлоғига яшовчи Ҳасанбой Каримов вақтида калласини ишлатмади. Қишлоқдош Одинахон Мўминованикидан ўғирлаган 21 дона жемпер тўқишга ишлатилган ипларни олди. М. Болтабоевага сотиб ўтирибди-я. О. Мўминова эса тақдирга тан бериб, бошқа ип сотиб олиш учун айнан шу ерга келибди...

Шу туманининг Чўзма қишлоғида яшовчи Абдуҷалил Абдукаримов ўтган йили пиёз экилган майдондан чиқмади деса бўлади. Четдан кузатган одам уни роса меҳнаткаш

деб ўйлаган бўлиши ҳам мумкин. Лекин у кучини бошқа нарсага сарфлаган экан. Пиёз оралаган милиция ходимлари 192 туп кўкнори ўсимлиги топдилар ва уни битта қолмай йўқ қилишди. Нима эксанг, шунга ўрасан, дейишарди. Пиёз экиб, кўкнор ўрса бўларканку.

Оқтепа қишлоғида 10-синф ўқувчиси Муроджон Юсупов эса қишлоқдош Ҳамза Ғаниевни калтаклаб, енгил тан жароҳати етказди. Баҳона: «Нега қўйимни эшак қилиб миндинг?»

Эркин САТТОРОВ.

ДИҚҚАТ: ЯНГИЛИК!

КЎЧМА ТАҲРИРИЯТ ФАРҒОНА ВИЛОЯТИДА

Бунга ҳаммангиз шоҳидсиз, замон тобора ўзгариб борапти. Шу жумладан, унинг талаблари ҳам. Айни бугунги кунда халқ билан янада жипслашиш, ўртадаги турфа муаммоларни биргаликда, ҳамкор, ҳамфикр ҳал этиш зарурлиги аён бўлиб қолди.

«Постда» рўзномаси ижодий жамоаси ана шунини чуқур ҳис қилган ҳолда иш услубини бироз ўзгартиришга қарор қилди. Вақти-вақти билан жумҳуриятимиз вилоятлари бўйлаб сафар қилиш, воқеа жойининг ўзида ИИБ ходимлари фаолияти билан танишиш, уларни қийнаб турган масалаларни ечишга мумкин қадар ёрдам бериш мақсадида кўчма таҳририят ташкил этилди.

Шундай қилиб, кўчма таҳририятимиз Фарғона вилоятида (2, 3-бетларга қаранг).

ЯРАШМАЙ ТУРИБДИ-ДА

Халқ билан милиция орасидаги кўринмас девор, ҳудуга шукр, кейинги пайтда парчаланиб борапти. Бунда «Постда» рўзномасининг катта ҳиссаси бор.

Халқ ҳуқуқ-тартибот ҳимоячиларининг оғир, ҳавф-хатарга тўла хизмат фаолияти, қувончи ва ташвишлари билан «Постда» орқали танишаёпти. Бу қувонарли ҳол, албатта. Лекин шундай нуфузли рўзноманинг номи ўзига ярашмай турибди-да... Менимча, «Халқ посбони» дея аталса, нур устига аъло нур бўларди... Шокир БОБОЕВ,

Қарши.

ФИКРИНГИЗГА ҚАРШИМАН

«МУНДИРЛИ ЗЎРАВОН»НИ ЎҚИБ

«Постда» рўзномасининг 18 январь сонинда босилган «Мундирли зўравон» билан танишиб чиқдим. Ушбу мақола очик гап менда газаб уйғотди. Нега дейсизми? Мана, ёшим ўттизини қоралаб қолсада, ҳеч бир милиция ходими бировни ноҳақ ҳақоратлаганини ёки кўчада дўшослаб турганини учратмаганман.

Мен шундай милиция ходимларини биламанки, улар юрса ҳам, турса ҳам халқ дарди билан яшайди. Биз ҳам уларга мадакдор бўлиш ўрнига...

Шу ўринда халқ ҳикмати ёдимга тушди: «Кимки иккинчи бўлса ошини ейди, ёмон бўлса бошини». Бу ҳақ гап. Менинг милицияга ҳурматим баланд. Улар халқ билан доимо бирга, халқ билан кучли!

Илҳом ТОҒАЙ ўғли.

УЛФАТЧИЛИК

Ҳилват гўшалардан бирини ўзларига паноҳ қилган бир тўда кишилар гурунги қизган. Улар орасида икки аёл ҳам бор. Ўртада ичкиликнинг ўткири.

Даврадагилар ҳамма нарсадан норози. Бозор иқтисодиётининг ҳам, нарх-наво-ю, тақчилликдан ҳам. Ҳаёт, яшаш нақадар машаққат эканлигини қайта-қайта бир-бирларига ўқитиришади. Шундай иқтисодий таназулда улфатчиликнинг йўқолгани, ҳали азобларни мардонавор босиб ўтиб, ароқнинг нархи 3 сўму 20 тийин, виноники 1 сўму 20 тийин бўладиган замонлар келиши учун қадаҳ кўтаришади. Иқтисод сиёсатга, сиёсат ҳақоратга, ҳақорат даҳанаки жангга қориниб кетмагунча иш-шарлар бўшатилаверади.

«Базм» бир соат ўтмай авж нуқтасига кўтарилди. Баҳона арзимаган нарсадан, ё Сервернинг сиёсатини тушулмаганидан, ё Александрнинг сиёсий иқтисод-

ни билмаганидан чиқди.

Александр ўзи ҳеч қаерда ишламаса, шу кўргулигига қарамай икки боласини амаллаб боқаётган бўлса, бу иқтисодни билмаганиданми? Бу ҳақоратга ҳар қандай қашшоқликдан юқори, камбағалчиликдан пастроқ турганининг газаби қайнайдида.

Ҳамма ўриндан қўзғалди. Жанжал тинчигандай, томонлар муросага келишгандай эди.

Бироқ Александрнинг аламини сиртига урди. Уйидан пичоқни олиб, қўлтиғига тикдида. Сервернинг изига тушди. Гандираклаб кетаётган Сервер узоқлашиб улгурмаганди.

Ҳозиргина бир даврада ўтириб, қадаҳ уриштиришган Александр Сервернинг орқасидан пичоқ урди.

Улфатчилик шу тариқа барҳам топди.

М. ИБРОҲИМОВА.
Қарши шаҳри.

КЎЧМА ТАҲРИРИЯТ

Экспертлик осон эмас

Гапнинг лўндасини айтганда, бизнинг хизматимиз моҳиятини ҳамма ҳам чуқур ҳис эта олмайди. Бу ҳақда баҳс бошланганда: «Ҳа, энди улар ҳам погон тақиб, отнинг калласидай мош олиб юрибдида», — дегувчилар ҳам топилиб қолади. Мен бу билан шундай фикрлайдиган кишиларни айбламоқчи эмасман. Чунки бизнинг касбимиз шунақа, кўзга кўринмайдиган ҳунар.

Аммо, масалага чуқурроқ ёндашилса-чи?

Утган йил 28 июль куни Қувасой шаҳрининг Темирийўл кўчасидаги 203-уйнинг 27-хонадонидан фуқаро В. Прокаеванинг жасади топилди. Марҳума номаълум ваҳшийлар томонидан қийнаб ўлдирилганлиги шундоққина кўриниб турарди. Аммо ким ўшалар?

Воқеа жойига катта эксперт милиция капитани Абдулазиз Абдурахмоновни жўнатдик. Орадан икки кун ўтгач, экспертиза хулосалари тайёр бўлди. Жасаддан олинган бармоқ излари шубҳа остига олинган Р. Жабборов ва В. Кулаев исмли шахсларга тегишли экан. Тергов жараёнида икки жиноятчи айбни тан олишга мажбур бўлди.

Яна битта мисол. 11 октябрь куни Бешариқ туманидаги Киров номи дав-

лат хўжалиги ҳудудида Б 59-57 ФЕ рақамли «Москвич-412» белгили машинада Абдуҳамид Неъматовнинг жасади топилгани ҳам кўпчилики ваҳимага солиб қўйди. Дарвоқе, бу ҳақда «Постда» рўзномасида «Таъқиб» сарлавҳали мақола босилган. Хуллас, жиноятчиларни қўлга олишда бизнинг ходимларимиз ҳам бошқалардан кам азият чекишмади. Воқеа жойига мен ва катта эксперт Абдулазиз Абдурахмонов иккимиз бордик. Қотиллардан қолган 40 та бармоқ изларини топдик. Шундан кейингина К. Розиков ва Е. Ҳасановларга жиддий айб эълон қилинди.

25 октябрь куни эса Олтиариқ туманидаги Охунбобоев кўчасида жойлашган 72-уйга — фуқаро Б. Сўпиев хонадонига боришга тўғри келди. Бу бечоранинг 80 минг сўмликдан зиёд шахсий мулки ўариб кетилганди.

Бармоқ изларини ўрганиш жараёнида бу иш Жума Матбобоев ҳамда Шерзод Сайдалиев деган шахслар томонидан амалга оширилганлиги маълум бўлди.

Ана шу мисоллардан келиб чиқадики, эксперт-криминалистика хизмати ходимлари ҳам оғзидаги дуқмани ҳалоллаб ейишяпти.

Энди ўз фаолиятимиз тўрисида фикр юритадиган



бўлсак, биргина 1991 йил давомида 2 минг 787 та жиноятни очишда иштирок этдик. Яна бир воқеани айтиб қўяй: ўтган йил якунлари бўйича ички ишлар вазирлиги бўйича иккинчи ўринни қўлга киритишга муваффақ бўлдик.

Лекин яна бир томони бор. Бу муваффақиятга осонликча эришганимиз йўқ. Милиция майори Валерий Гаврилов, милиция катта лейтенанти Татьяна Гладкова сингари бурчига содиқ ҳамкасбларимиз изланувчанлиги натижаси бу.

Муаммоларимиз тўғрисида гапирадиган бўлсак, ҳар битта туман ИИБда ҳеч бўлмаса биттадан эксперт бўлиши керак. Аммо ҳозир-

ча бунга илож топилмапти. Қараб ўтирган билан иш битмайди. Шунинг учун ҳар бир оператив ходим криминалистик техникани ишлатишни билиши керак, деган фикрга келдик. Айни кунларда туманлардан ходимларни таклиф қилиб, касбимиз сир-асроридан сабоқ беряпмиз.

Абдуҳаким ЭРНАЗАРОВ,
Фарғона вилояти ИИБ
ЭКБ бошлиғи милиция
майори.

СУРАТДА: эксперт-криминалистика бўлимининг бошлиғи милиция майори Абдуҳаким Эрназаров ёш ходим Ҳамиджон Ҳасановга ўз билими ва тажрибасини ўргатмоқда.

КАЛОНДИМОҒ ҲИСОБЛАРДИМ

Каминани кечирасизлару «Постда» чиққунга қадар милиция ишини мутлақо тушунмасдим. Милиционерларни энг ишқмас, дангаса, боз устига калондимоғ кишилар деб билардим. Рўзномангиз ана шу тасаввуримни тарқатиб юборди. Ҳозирги кунда унинг ҳар бир сонини мароқ билан ўқийман. Тинчлик побонлари мардлигига, садоқатларига таҳсинлар айтаман. Ахир, инсонни сариқ чақага олмайдиган, баъзан эса ҳавасга кимнингдир бўғзига пичоқ тортадиган, юлғич, маккор шахслар билан рўпаре келиш осонми!

Милиционерларнинг ойлик машинаси ҳозиргидан икки-уч баравар ошириб қўйган тақдирда ҳам бу касбда ишлашни хоҳламасдим. Чунки умр одамга бир марта берилади. Шундай дейману ҳали етарлича ҳимояланмаган ҳолда жиноятчиларга юзмаюз бораётган йигитларга қойил қоламан. Уларга, ўғли бир оз кечикса, ҳадик билан эшикка кўз тутадиган ота-оналарига минг раҳмат!

Энди асосий мақсадга ўтсам. «Постда»дан миннатдорман. Аммо битта таклифим бор. Жиноятчиликни баён этаётганда, ёвузлик ёки порахўрлик, шахвоний ҳирс ёки ўғрилиқ ҳақида ҳадислардан келтириб ёзсангизлар. Зора фойдаси бўлса.

Иккинчи таклифим — бу ҳақда олдин ҳам ёзган эдим, қонунларимизнинг оқилолиги масаласига кўпроқ эътибор бериш керак. Қаршисидаги инсонни пашшачалик кўрмай, унинг жонига қасд қиладиган ёки ор-номусни йиғиштириб қўйиб, ҳали вояга етмаган но-зик вужудни булғайдиган аблаҳларга беаёв жазолар қўлланиши шарт. Ваҳшийга шафқатли бўлиш одамгарчиликка тўғри келмайди, аксинча уни хаспўшашдир.

Қолаверса, мақоаларингизда жиноят мажмуаси моддаларини келтириш билан чекланмай, жиноятчи неча йил қамоқ жазоси олганини аниқроқ ёзиш лозим, деб ўйлайман. Чунки рўзномангизни фақат қонуншунослар эмас, балки қонунни мутлақо тушунмайдиган-билмайдиганлар (мен каби) ҳам мутлақо қилишади.

Ҳурмат билан

Ҳасанжон АҲМАДШОЕВ,
Қувасой шаҳри.

НИМА ҚИЛИШ КЕРАК?

Утган йил давомида Қўқон шаҳрида 300 дан зиёд автоулов ҳайдовчилари маст ҳолда рулга ўтирганлари учун милиция ходимлари томонидан тўхтатилдилар. Уларга маъмурий чора кўрилди. Аммо 15 марта автофалокат рўй берганини, натижада 11 киши ҳаётдан кўз юмганини нима билан изоҳлаш мумкин? Ахир, 11 та оиладан дод-фарёд эшитилди, 11 та оила аъзолари кўк кийиб, аза очдилар. Қанча-қанча аёллар тул, қанча-қанча болалар етим қолишди-ку! Бунинг зарарини қоплаб бўлмайди ҳеч қачон!

Сезиб турибман, бу сатрларни ўқиётган мухлислар: «Яна эски дийдиёнинг нима кераги бор!» — деб ижриганишяпти. Аммо на иложки, эски дийдиёларнинг натижаси кўринмапти. Мана бу рақамларга эътибор беринг, шахримизда 1989 йилда 400 киши, 1990 йилда 600 киши, 1991 йилда эса 1707 киши тиббий хўшёрхонада меҳмон бўлишган. Ҳеч ақлимга сиғдирилмайманки, ароқ деб аталмиш заҳри қотилнинг нархи ошган сари унинг «ошuftа»лари ҳам кўпайиб борапти. Айни шу кунларда ичкилик-бозликда тўқимачилик машина-созлиги заводи, ип йиғирув-пайпоқ тўқув ишлаб чиқариш бирлашмаси жамоаси «пеш-қадам»лик қияпти.

Хўш, нима қилсак бу бало-дан ҳамюртларимизни оз бўлсада чалғитамиз? Эҳтимол ичкиликбозлик ҳақида янги қонун ишлаб чиқиш керакдир! Ўйлайманки, «Постда» мухлислари бу муаммага берафқ қарамайдилар, ўз муносабатларини билдирадилар.

Мадамин РАЖАБ ўғли,
қўқонли уруш ва меҳнат
фахрийси.



Милиция полковниги Я. Маҳмудовнинг гарданига энг масъулиятли вазифалардан бири юкланган. У Фарғона вилояти ички ишлар бошқармасидаги паспорт ишлари, виза ва қайд қилиш бўлимининг бошлиғи лавозиминда хизмат қилмоқда.

СУРАТДА: навбатдаги қабул пайти.

Сураткаш А. НАЯМУШИН.

ҲАМКАСБЛАРИМИЗ ИЖОДИДАН

ЎТИНЧ

Аламларга тўлиб кетдим, қувонч билмас юрагим.
Қийноқларга қолиб кетдим, беоромдир танда жон.
Узун тунлар чўкка тушиб, ёлғиз сени сўрадим,
Соғиндимку, тушларимга кириб тургин, отажон.

Ўйга толсам, кўз ўнгимдан сиймоларинг ўтарди,
Қабринг узра бошим эгсам, кўзларим ёш тўкарди.
Мозорингга экилган гул кўз ёшимдан кўкарди,
Соғиндимку, тушларимга кириб тургин, отажон.

Катта йўлни тополмасман, мен адашган йўловчи,
Йўл бошловчи кимсам йўқдир, лекин кўпдир сўровчи.
Оҳ, қадрингни ўтказдингку, ҳаёт бунча синовчи!
Соғиндимку, тушларимга кириб тургин, отажон.

Бу дунёда отасиз уй бир қалъасиз қўрғондир,
Отасизга ҳаёт асли сўқмоғи йўқ ўрмондир.
Тушларида кўрмоқлик ҳам кўплар учун армондир,
Соғиндимку, тушларимга кириб тургин, отажон.

Муҳиддин ИСРОИЛОВ,
милиция катта лейтенанти.
Учкўприк тумани.

Хўжайиним Тошлоқ тумани ички ишларида ишлайди. Шу кишининг иши юзасидан ёзаяпман. Ешлари 36 да, 12 йилдан буён милиционер. Олдин Тошкентда техникумда ўқиди, кейин олий мактабда. У ерда ўқиш билан бирга ўзимизда участкавойлик ҳам қилди. Темир интизомли хўжайиним бугунга келиб аравамазини тортолмай қолди. Нима қилиш керак? Олдингдан оққан сувнинг қадри йўқ, деб шуни айтсалар керак-да. Жамият учун сув, ва ҳаводек зарур бўлган милиционерни шунчалар хўрлашадими? Милицияда ишлаш жуда оғир экан. Бунинг эримнинг ақволидан биламан. У кишини кўриб, руҳан эзилиб кетаман.

Бўй етган қизларга битта илтимосим, маслаҳатим бор. Милиционер халқига турмушга чиқманг, жон сингилжонлар! Нега, дерсиз?

Биринчидан: ишининг вақти-соати йўқ.

Иккинчидан: тоғанининг ҳам тайини бўлмайди.

Гапларимга эътироз билдирувчилар бўлар, балки. Мен биламанку, буларнинг ҳаммасини. Ахир, бекорга бошидан ўтмаганининг қошидан ўтма, дейишмайди. Эрим эрталаб соат олтида йўловчи машиналарга улгуриб қолай, деб йўлга чиқади. Кечаси эса 3-4 ларда келади. Шунда ҳам келса. Келолмаса, участкаларда қолаверади. Олдин ёш эди. 10-15 километрни пиёда босиб келаверарди. Энди куч-қуввати кетаяпти. Бечора болалари дийдорига тўймайди. Бирини кўрса, бирини кўрмайди.

Қариндош-уруғлардан ўз вақтида хабар ололмай-сиз, тўй-маъракасида қатнашолмай-сиз. Оқибатда эри меласада, бизни назарга илмайди, деб пичинг қила бошлашади. Билишмайди-

ки, уларнинг номи улғу, супраси қуруқлиги, бош қашшига ҳам вақтлари йўқлигини.

Учинчидан: ҳам хотин, ҳам эр бўласиз. Бола-чақа, томорқа, рўзгор, яна бошқа майда-чуйдаларнинг ҳаммаси сизнинг зиммангизда. Қишлоқ жойда яшаш, биласизлар, жудаям қийин. 300-400 боғлам гўзалоя тўплайсиз, прицепга ортасиз, келтириб босасиз. Тан-дир қурасиз, сувайсиз... Эй, қай бирини айтай бу ташвишларнинг? Айтган билан адо бўлса экан.

Кечқурунлари дастурхон атрофида бирон марта биз билан ўтирармикин, деб ичингизда эзилиб, йиғлаб ўтирасиз. Булардан оддий

колхозчи яхши. Кечқурунлари болаларини от бўлиб миндириб овутади. Сизнинг гуноҳингиз эса, милиционерга текканингиз. Сочларингизни қирқасиз. Бўлмаса уни ювиб, ўриб улгурмай-сиз. Ўзингизга қараш қаёқда, дейсиз, ҳатто байрам, тўйларда дастурхон қилиб қўйиб, болаларингизга ёлғончи бўлиб қолаверасиз.

Кечаси «меҳмонхона»га этигини судраб келаверади, азонда яна ўша этигини чўткалаб, йиртиқ ботинкасини тиктиргани олиб кетаверади. Аҳвол шу. Коммунизм маҳалида битта уйни қўқайтириб олувдик. Афсус ўша маҳалларда тўртта шифер ҳам

ЮРАГИМНИ ЕЗМОҚЧИМАН

МИЛИЦИОНЕР

ФАРҒОНА ВИЛОЯТИДА

Бешариқ туманидаги тикув-момиқ фабрикаси 2-чеги бошлиғи Доноҳон Эргашева ўтган йил декабрь ойлари бошида Бешариқ шаҳар участка вакили милиция катта лейтенанти Раҳмонали Қурбонов ҳузурига юрагида бир олам ғам-андуҳ билан кириб келди.

— Ёрдам беринг, ука, — деди беадад ўйлари оғирлик қилаётган бошини ҳам қилган ҳолда. — Биласиз, қорхонамизда турли хил кийим-кечаклар тайёрланади. Кеч-қурун иш тугагач, тикилган тайёр маҳсулотларни битта-лаб санаб, омборга киритиб қўйман. Эрталаб келиб қарасам, кам чиқаверади.

— Омборни беркитишдан олдин эшикни муҳрлайсизларми?

— Албатта, аммо муҳр сира бўзилмайди, ойналар синдирилмайди ҳам.

Участка вакилининг боши қотди. Ана жумбоқ. Омборга инсон зоти кирмаса, ўғриким бўлди? Мушукмасдир ҳойнаҳой! Яна ким билади дейсиз.

— Майли, сиз бораверинг, опа, бу иш билан ўзим шуғулланаман, — деди Раҳмонали.

Тўғриси айтганда, участка вакилининг бошида бир олам ташвиш бўлади. Ҳар кун камиди ўнлаб фуқаролар билан мулоқотда бўлиши, иложи борица ҳар бирининг мушкуллари омон қилиб кузатиши керак. Айниқса, шаҳар жойида. Шундоқ бўлса ҳам, у Доноҳон опанинг шикоятини чуқурроқ ўрганишга аҳд қилди. Вақт топиб бориб, аввало омборхонада иш юритиш услуби билан танишди. Эшик қулфлангандан кейин қорғозга муҳр босиб, елимлаб қўйишаркан. Ҳаммаси рисоладагидай. Аслида шундан кейин бу ерга пашша ҳам учиб киролмайди. Демак, ҳар кун амалга ошириладиган ҳуфёна ўғирликни четдан келган одам қилолмайди. Ўғри шу ерда, жабрланувчилар орасида.

У ана шу қарорга келгач, қоровуллар билан алоҳида-

ОМБОРДАГИ

МУШУК



алоҳида шуғулланиб кўрди ва Эҳсонали Эшонқулов деган шахс ўз вазифасига аниқгина масъулиятсизлик билан қараркан, деган фикрга келди. Чиндан ҳам у бу ерда узоқ йиллардан бери ишлар, ҳамма тарқалгач, қоровулхонаси эшигига қулф осиб, хоҳлаган жойига кетиб юборавераркан.

Шу йил 10 январь кун кеч соат 6 ларда участка вакили ҳеч кимга сездирмай цехга борди. Орадан кўп ўтмай 03-59 ФЕМ рақамли фургонли хизмат машинаси келди. Машинада шофёр ва цех бошлиғи бор эди. Милиция катта лейтенанти ўзини панага олди ва воқеа ривожини кузата бошлади. Орадан кўп ўтмай фургонли «Москвич» ортига қайтиб кетди.

Қисқа қилиб айтганда, участка вакили шу кун то соат 12 гача кузатувни тўхтатмади. Аммо бундан бирор нарса чиқмади. Ноилож уйига қайтди. Ўғиллари Азиз, Раҳимжон, Латифжонлар аллақачон уйқуга кетишган, фақатгина турмуш ўртоғи унинг йўлига кўз титиб ўтирган экан.

— Ҳакима, овқатинг борми? — сўради ҳорғин.

— Ҳа, ҳозир иситиб келаман.

Раҳмонали тамадди қилиб олгач, қаравотга чўзилди. Қани эди ҳорғинликдан қизарган кўзларига уйқу йна қолса. Бояги автомашина ҳа-

қидаги тизгинсиз хаёллар тинчлик бермасди унга. Бунда барибир қандайдир сир бор, деб ўйларди у. Ниҳоят яна ўрнидан туриб, цехга ошиқди. Бу пайтда соат миллари тунги учдан ошганди. У пийёда бориб, энди катта кўчадан цехга олиб кирувчи йўлга бурилмоқчи бўлганда, ўша «Москвич» шиддат билан чиқиб келди. Яна ўзини панага олган милиционер тезлиги ҳаддан ташқари юқори машина ичида кимлар борлигини илғай олмади. Ярим тунда уни таъъиб қилиш мумкин эмас. Шу сабаб яна уйига қайтди.

— Кеча сиз «Москвич» да соат 6 да нима учун ишхонага келиб кетдингиз? — деб сўради Доноҳон опадан эртаси кун орталаб.

— Кеча бир жойда маъракага бориб келгандик, — деди Доноҳон опа.

— Кейин бу ерга машинангиз яна қайтиб келдими?

— Йўқ, ҳеч қанақа машина келгани йўқ биздан кейин.

Раҳмонали у билан савол-жавобни қисқа қилди. Ҳовлини синчковлик билан кўздан кечирди. Омборхона олдида келиб тўхтаган машина изларини ўрганди, ҳар икки гилдирак орасидаги масофани ўлчади. Кейин бу ҳақда ҳужжат тўлдираётди.

— Ишончим комилки, сиздан кейин шофёрингиз яна бу ерга қайтиб кел-

ган, — деди цех бошлиғига.

Гумонингиз ноўрин, ука, — деди Доноҳон опа бир оз саросимага тушиб. — Тоҳиржон ҳеч қачон менинг кўзимга чўп суқмайди.

— Буни худо билади, аммо мен қоровул Эҳсонали Эшонқуловни ҳамда шофёр Тоҳиржон Жабборовни алоҳида-алоҳида ўрганиб кўришим керак.

У янглишмаган эди. Биринчи сўроқ пайтидаёқ То-



СУРАТДА: участка вакили милиция катта лейтенанти Раҳмонали Қурбонов (ўртада) жиноят қидирув бўлимаси опервакиллари милиция катта лейтенантлари Салоҳиддин Мирзамидинов ва Салоҳиддин Ҳасановлар билан навбатдаги топши-

ҳиржон қоровул билан тил бириктириб, ҳар бирининг нархи 52 сўм 50 тийин туградиган 20 дона курткани ўмарганини ва уйига яшириб келганини тан олди. Алдамаган экан, Чимбой қишлоғидаги уйдан ўғирланган моллар топиб олинди.

— Бу ишда қоровулнинг «хизмат»лари каттароқ бўлган, — дейди Раҳмонали Қурбонов. — Ҳозир ИИБ терговчиси милиция капитани Анваржон Рўзматов ишни яқунлаб қўйди назаримда. Менимча, масъул киши қорғозга муҳр босиб, эшикка ёпиштиради. Қоровул Эҳсонали Эшонқулов эса ҳали елим қуриб улгурмай туриб бир томонини кўчириб қўяди. Марҳамат, эшик очик. Фақат талон-тороғ тадбири тугатилгандан сўнг яна қорғознинг орқасига елим суриб, қайтадан ёпиштириб қўйилса бас.

Олғирлар бу ҳийлани ҳеч ким сезмайди, деб ўйлашгандир. Аммо бугун шуни яхши билишадикки, яқин орада одил суд олдида жавоб беришлари керак.

Алп ЭРДОН.

Қадим-қадимдан ўзбекларда бир одат бор. Йложи борица ўзгаларни ранжитиб қўймасликка интиламиш. Агар кимдир бир-икки марта хатога йўл қўйса, кечирингга ҳаракат қиламиз, айбини тушунгунча сабр этамиз.

Аммо сабрнинг ҳам чеки, чегараси бор. Хусусан, мен-

ЗОРА ИНСОҒГА КЕЛИШСА

даги сабр аллақачон битди. Туманимиз алоқачилари андишанинг отини қўрқоқ қўйишган экан, бошқа йложим йўқ, деб ўйладимда, ранжишим боисини сизларга билдиришга қарор қилдим.

«Постда» рўзномасига

1992 йил учун обуна бўлгандим. Хат ташувчи биринчи сони келмади, деб иккинчи сони бериб кетди. Индамадим. Орадан анча-мунча ўтгач, олтинчи сони келтириб берди. Яна вақтида унга беришмаган

эмнш. Хуллас, 16 январгача ўрганиб қолган рўзномамнинг тўртта сониин мутотлаа қила олмадим.

Зора «Постда» саҳифаларида ушбу эътирозларимни ўқиган алоқачилар, хафа бўлишса ҳам, инсофга келиб қолишса.

М. АБДУРАҲМОНОВ.
Фурқат тумани.

ҲАМ ОДАМ

олиб қўймаган эканмиз. Тандир қурувдим, ёмғирда ивиб, ўтириб қолди. Учинимиз, қолхозчи қўшинимиз бор, ўшаларникида туради. Шуларга раҳмат: ҳурмат қилишадим.

Уй қилдик, болаларим ёш эди, бир-икки йил далага чиқолмадим. Бултур мардлик қилиб, гектар олдим. Уч-тўрт кун чиқдим. Ўйда ёрдамчи йўқ. Овқат қиламан, кир юваман, томорқага у-бу нарса экаман, сугораман, парваришлайман.

Хуллас ҳаммасини тинчитиб уйга эмаклаб кириб оламан. Шу ишлар билан бўлиб далага ўз вақтида чиқолмадим, бригадир гектарни олиб қўйдим. Куз келди. Янги йил

арафаси эди. Қолхозчиларга гўшт, шакар, латта-путта сотишадиган экан. Билмасдан кириб қолибман. Бригадир: «Сизга йўқ», — деб чиқариб юборди. Бунақаси кўп бўлган. Шунча вақт тишимни-тишимга қўйиб келдим. Энди чидолмайман. Эрим ишини ташлайди. У киши ҳам ҳамма ишчилар сингари бағримизда бўлсин. Еки шароит яратиб берсинлар. Яқинда газетада ўқиб қолдим. Афғончиларга катта-катта ойликлари машиналар ваъда беришарди. Лекин ишлаб, малакаси ошган, меҳнатда тобланган милиционерларга-чи? Улардан иш сўрашди, буйруқ беришди, холос. Олдин

бу ёғини тўғрилаб қўйинглар, кейин иш сўранглар. Улар ҳам инсон, ахир. Уларни ҳам она туққан. Оиласи, қариндош-уруғлари бор уларнинг ҳам. Кийгиси келади, юргиси келади. Пичоқ бориб суякка тақалди-ку!

Милиция ходимларини одамларга ялинишини кўрсангиз эди. Чидаб бўлмайди. «Жон ака, 3 литр ёғ қўйиб бераман, боламни балнисага обориб келайлик, жон ака, ҳўп, денг», — деганини эшитсангиз, раҳмингиз келади. Шофёрни кўндиргунча ўладиган ўлиб, бўладигани бўлмай

қолаверади.

Бир кун хўжайиним: «Мукаррам, яхшиям ичмайман, чекмайман, сигарет фалон, ароқ писмадон пул бўлибди», — деб хурсанд.

Йўқ. Ютавериб-ютавериб дард бўлди, соғлиги йўқолди. Сизлардан илтимос, тўртта боламнинг ҳурмати, шу ўғай милиция ходимларига ҳам ёрдам беринглар ёки тегишли бошлиқлари ўз ихтиёрлари билан ишдан бўшатинсин. Буларнинг гуноҳи нима, ахир?

Ҳурмат билан дардли, аламли аёл:

МУКАРРАМ.

ТАҲРИРИЯТДАН: Тан оламизки, биз ҳам шу пайтгача ички ишлар ходимларининг онлайин аҳволига етарлиқ эътибор бермаганмиз. Ҳечдан кўра кеч, деганларидек бу камчилигини бартараф этишга қарор қилдик. Шундай қилиб, сўз милиционерларнинг турмуш ўртоқларига.

Мазкур хат юзасидан Тошлоқ тумани ИИБ раҳбарлари, ходимлар иш шароитини яхшилашга мутасаддилар фикр-мулоҳазаларини билишни истардик.

ИТЛАР КЕРАК

«Постда» рўзномасининг шу йил 23 январь кунги сониде эълон қилинган «Ит ўғрининг нздан тушди» сарлавҳали мақолани ўқидиму қўлимга қалам олдим.

Одамзод яралибдики, итларни ўзига вафодор жонивор сифатида кўради. Чиндан ҳам тўрт оёқли дўстларимиз доимо оғиримизни енгил қилиб келади. Уларнинг бизга, яъни инсонларга бўлган садоқати кўп марта лаб синадан ўтган, бунга деярли ҳар биримиз шохидимиз. Юқорндаги мақолада кўтарилган фикр ҳам бунга яна бир марта исбот бўлади.

Шуни ачинарлики, кейинги пайтларда нима учундир итларни ўзимиздан узоқлаштириб қўйдик. Ва шу боис аниқгина имкониятларимизни бой бердик.

Ҳали ҳам кеч эмас. Йложи борица ҳар бир ички ишлар бўлимида зотидор итларни парвариш қилишга интилим зарур. Умид қиламизки, бунинг самараси тез кунларда яққол сезилади.

П. БОЛТАБОВ.



ТАЖАНГ

Чуст шаҳридаги 15-хунар-техника билим юртида механик бўлиб ишловчи М. Жумаев (унинг таржиман ҳолида «муқаддам судланган» деган ёзув ҳам бор)

15 февраль кун «бургага аччиқ қилиб, кўрпани куйдирди». Билим юрти маъмурияти билан гап талашганда, шунчалик жини қўзбдики, асти қўяверасиз.

Ҳозирги кунда автомобилларнинг нархини ўзингиз биласиз, булут билан ўпишиб ётибди. М. Жумаев бўлса тап тортмай билим юрти ҳовлисида турган «ГАЗ-53», «Москвич-412», «ЕРАЗ», «НИССА» белгили автомашиналар устига бензин қуйиб ёқиб юборди. Бунга ҳам қаноат ҳосил қилмасдан, «ГАЗ-52», «ГАЗ-63» белгили машиналарнинг ойналарини чил-парчин қилди. Яхшики, ёнғин вақтида ўчирилди.

С. ЭРКИНОВ.

Одамнинг табиати қизиқда. Ишга бориши керак — боради. Ўқишга бориши керак — боради. Лекин ўғирлик қилмаслиги керак — қилаверади. Худди шу ишни учун ўтириб чиққан. Йўқ, яна қўл уради. Ўғирлик жойини ўзгартирса, ўзгартирадики, «касби»ни ўзгартирмайди.

Михаил 1983 йили оғир жинояти учун Свердлов ви-

рида (Ришатнинг озодлигидан чиққанига бир ой бўлмасдан) икки дўст қурола-ниб, Д. Рўзиевнинг уйига бостириб киришди.

Фирт маст бўлган ватандашлар аёлнинг ўтакасини ёриб, пул талаб қилишди. Аёл уларнинг сузилиб турган кўзларидан бир қўрқса, кўтарилиб тушиб турган милтигидан даҳшатда икки бор қотди. Уй соҳи-

ЮЗИ ҚАРОЛАР

лоятидаги Ивдельск шаҳар халқ суди томонидан судланган эди. Юзи қаро бўлгач, жануб томонларга «юриш» қилди. Бу ерда ўзи сингари «иссиқ юрт» илинжида келган Ришат билан учрашди. Ришат юзи қароликда Михаилдан бир туки кам эмаскан. 1984, 1989 йилларда Кемерово вилоятининг Новокузнецк шаҳри халқ суди ҳукми билан жазоланган. 1991 йилнинг январидида қамоқдан чиқиб, тўппа-тўғри юрти-мизга «пок» ниятда йўл олган.

Ўтган йилнинг 30 январь

баси 41 сўмни қалтираганча узатаркан: «Кам дейишса, нима қиламан?» — деган ҳаёлда совуқ терга тушди.

Йўқ, уларнинг кўзига пул кўп кўриндими ёки бошқа сабаби бормиди, ҳар тугул гандираклаганча чиқиб кетишди. Аёл дарҳол милицияга хабар берди.

Бухоро шаҳар Файзулла Хўжаев тумани ИИБ ходимлари вақтни бой бермасдан, уларни ашёвий далиллар билан қўлга олишга эришдилар.

Нур БАДИЯ.

Бедарак

йўқолганнинг тақдири

Марат исмли йигитни қидириш ишлари натижа бермади. Ниҳоят шаҳар жасадхонасидан шахси номаълум мурданинг кўмиб юборилгани ҳақида хабар олindi. Қабрин очишга тўғри келди. Аниқланишича, Марат икки оғайниси ва бир қиз билан Юнусобод даҳасидан машина олиб қочинган. Аммо йўлда ҳалокатга учраб, ўша жойда ҳаётдан кўз юмган.

Чилонзор даҳасининг Қозиробод кўчасидаги 3-уй, 9-хонадонда яшовчи, 1974 йилда туғилган Ольга Викторовна Сидорованинг 1991 йил 21 декабрдан буён бедарак йўқолганлиги ҳақида 8 январь кун ариза тушганди. Ольга 14 январь кун топилиди. У ота-онаси билан жанжаллашиб қолганидан сўнг ўртоғиникига кетиб қолган экан.

1972 йилда туғилган Ки-фойт исмли қизнинг йўқолганлиги тўғрисида отасидан ариза тушди (иккинчи мартаба). Олдинги аризадан сўнг иккинчи куннинг 1-руҳий касалликлар шифохонасидан у қизни топганди. Бу сафар бир неча кундан сўнг аризачи ўзи кириб келди-да, қизи яна руҳий касалликлар шифохонасидан топилиб кетганини айтиб, қидирувдан ўчириш-ни сўради.

16-17 ёшли икки нафар қиз бирга кўчага чиқиб кетиб, қайтиб келишмагани ҳақида ариза беришди. (Қизларнинг исмлари, адресларини маълум қилмасликни маъқул кўрдик). Ўзбек ва арман миллатига мансуб йигитлар йўл бўйида турган бу икки қизни мажбурлаб автомашинага ўтқаришди. Сўнг ва вокзал атрофидаги қаҳвахоналардан бирига олиб кириб, меҳмон қилишди. Кейин эса бошқа туман ҳудудидаги уйларнинг бирига олиб кириб, қизлардан бирининг номусига тегишди. Жиноят очилди, жиноятчилар жавобгарликка тортилдилар.

Л. МАҲАМАТОВ,

Фрунзе тумани ИИБ ЖҚБ ходими милиция лейтенанти.

Пешку тумани ички ишлар бўлими паспорт столи бошлиғи Хайрулла Одинаев 27 йилдан буён ўз вазифасини сидқидилдан ардоқлаб келаётди.

Ингирма етти йил... Гапиринга осон. Бу йиллар мобайнида қанчадан-қанча кишиларни кўрмади, дейсиз. Қанчадан-қанча қувончлар, ташвишлар ҳамроҳи бўлди унинг.

СУРАТДА: Х. Одинаев набиралари Муҳаббат, Дилноза билан.

Нусрат САИДОВ олган сурат.

«ОЙНАИ ЖАҲОН»ДА КЎРИНГ

27, пайшанба

8.00 «Ўзбекистон». 8.25 «Насибан». Фильм-концерт. 9.05 «Мудхис хато». Бадий фильм. 10.40 «Жаҳонга йўл: дўстлик ришталари». 11.10 «Танафус». 18.00 Янгилар. 18.10 Мультфильм. 18.15 «Қишлоқ ҳақида ўйлар: 19.00 «Ўзбекистон» 19.20 «Алифбо сабоқлари». 19.55 «Дехқон юмушлари». 20.30 «Ўзбекистон». 20.55 ИИБ матбуот маркази хабар қилади. 21.10 «Дил номалари». 22.00 «Ўзликнинг намоёи қил...». Адабий-бадий кўрсату.

ЎзТВ II
10.30 Ўзбекистон халқлари тарихи. 11.00 «Қадимги шўх-

ликлар». Бадий фильм. «ТОШКЕНТ» СТУДИЯСИ КЎРСАТАДИ
18.30 Телефильм. 19.00 «Бу оқшомда». 20.00 «Пульс». 20.10 «Бу оқшомда». 21.40 «Кинонигоҳ». 23.25 «Пульс».

«ОРЕБТА IV» (Москва)
6.00 «Тонг». 8.30 «Муסיқани кўзим билан кўрмоқчиман». 9.00 Хроникал-хужжатли фильм премьераси. 10.00 «Сердаромад жой». 10.55 «Истеъдодлар ва мухлислар». 11.45 Мультфильм. 12.00 Янгилар. 12.20 «Пи» белгиси билан. 13.10 «Инсон ва қонун». 13.50 «Орёл сувенири» дастасининг чиқиши. 14.10 «Ён дафтар». 14.15

«Телемикст». 15.00 Янгилар. 15.20 «Бугун ва ўша пайтларда». 15.50 «Қулаётган одам». Бадий фильм, 3-серия. 17.15 От спорт. 18.00 Янгилар. 18.20 Мультфильм. 18.40 «...16 ёшгача ва ундан катталар». 19.20 «Музқаймоқ мавсумининг охири». Бадий фильм. 20.45 Хайрли тун кичкинтойлар!

21.00 Янгилар. 21.20 «Қора қути». 22.00 «Эфирда муסיқа». 23.45 Теннис. 00.45 «Ўтмиш садолари».

«ДУБЛЬ IV» (Москва)
8.00 Хабарлар. 8.20 Испан тили. 8.50 Ишдан бўш пайтингизда. 9.05 Испан тили. 9.35

Болалар соати. 10.35 «Сирин—куйловчи қуш». 11.20 «Мен ва бошқалар». 12.30 Ғарбий Сибирь. 13.10 Хужжатли фильм. 14.00 «Россия бизнесмени-91». 15.55 Касбга бағишлов. 16.25 «Ўхшаш дунёлар». 17.10 «Хусусий мактаб». 17.40 Телевизион ахборот тижорат кўрсатуви. 18.00 Хабарлар. 18.20 «Бозор ва маданият». 19.05 Ишдан бўш пайтингизда. 19.20 Г. Явлинский «Нота бене» студиясида. 20.20 «Ҳар кун байрам». 20.30 «Санта-Барбара». 21.20 Россия Федерацияси Олий Кенгашининг сессиясида. 21.45 Махсус тижорат хабарномаси. 22.00 Хабарлар. 22.20 «Бешикчи филдирак». 00.05 «Рақс марафони».

28, жума

8.00 «Ўзбекистон» ахбороти. 8.25 «Ринг». Бадий фильм. 10.00 Телефильм. 10.20 «Нашона». 10.50 «Мактабгача тарбия» ойнамаси—меҳмонимиз. 18.00 Янгилар. 18.10 Мультфильмлар. 18.30 «Ёшлик» оқшом. 19.00 «Ўзбекистон». 19.20 «Ишбилармонлик — қони фойда». 19.50 «Куйла, дилкаш дуторим». 20.30 «Ўзбекистон». 20.55 «Маърифатнома». 21.35 «Жаннатга йўл». Спектакль. 22.55 «Камтариң қўлингиз». Бадий фильм.

ЎзТВ II АШХАБОД КЎРСАТАДИ.
17.05

«ОРЕБТА IV» (Москва)
6.00 «Тонг». 8.35 Мультфильм. 8.50 «Музқаймоқ мавсумининг охири». Бадий фильм. 10.15 «Эфирда муסיқа».

12.00 Янгилар. 12.20 «...16 ёшгача ва ундан катталар». 13.00 «Сайхатчилар клуби». 14.00 Давлат академик симфоник оркестри чалади. 14.20 «Бридж». 14.45 «Бизнес-класс». 15.00 Янгилар. 15.20 «Ғолиблар». 16.05 Болалар учун фильм. «Иванко ва подшо Поганин». 17.25 Мультфильмлар. 17.50 «XX аср солдатлари

урушга қарши» халқаро телемарофонига.

18.00 Янгилар. 18.20 «Чоо, Буйнов, чоо». 18.35 «Инсон ва қонун». 19.15 «Менинг оилам ва бошқа жониворлар». Бадий фильм, 8-серия. 19.45 «ВИД» таништирадиди: «Мўжизалар майдони». 20.45 Хайрли тун, кичкинтойлар!

21.00 Янгилар. 21.20 «ВИД» таништирадиди. 00.35 «Ахлатдаги атиргул». Бадий фильм. 01.35 «Бир боқишда муҳаббат». 1-кун.

«ДУБЛЬ IV» (Москва)
8.00 Хабарлар. 8.20 Ишби-

лармон кишилар даври. 9.20 Инглиз тили. 9.50 Ишдан бўш пайтингизда. 10.05 Инглиз тили. 10.35 Ғарбий Сибирь. 11.35 Мусавир С. Егоров. 11.55 «Бешикчи филдирак». 13.40 «Дехқонларга тааллуқли масала». 16.00 «Простор плюс». 17.10 Телевизион ахборот тижорат кўрсатуви. 17.25 «ТелеЭКО». 18.00 Хабарлар. 18.20 «Устоз шарафига». 19.45 Мультфильм. 20.00 Россиянинг парламент хабарномаси. 20.20 «Ҳар кун байрам». 20.30 «Санта-Барбара». 21.20 Россия Федерацияси Олий Кенгашининг сессиясида. 22.00 Хабарлар. 22.20 «Пепси стилида муסיқа». 23.20 «Мутлақо маҳфий».

23 февраль кун Фарғона-Қўқон йўлининг 2-километрида юз берган автоҳалокат подполковник Михаил Николаевич Кузнецовнинг бевақт ўлимига сабабчи бўлди.

ИИБ шахсий таркиби марҳумнинг оила аъзоларига чуқур таъзия изҳор қилади.

Тошкент шаҳар ИИБ ЖҚБ бўлимасининг бошлиғи Владислав Викторович Николаенко ички ишлар идораларидаги фаолиятини 1982 йилдан бошлаганди.

22 февраль кун ўз шахсий автомашинасини бошқариб бораётган В. Николаенко автоҳалокатга учраб, касалхонага етмай вафот этди.

ИИБ шахсий таркиби В. Николаенконинг оила аъзоларига чуқур ҳамдардлик билдиради.

Муҳаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни босмахонаси. 700083, Тошкент, Ленинград кўчаси, 32.

Телефонлар: муҳаррир—54-37-91, муҳаррир уринбосари — 39-77-23, мухбирлар бўлими — 59-26-56, 59-20-92, умумий бўлим — 59-21-21.

Обуна рақами — 64615. 43920 нускада чоп этилди.

Рўзнома офсет усулида, А-3 қолипда босилган.

1 2 3 4 5 6 7 8 9 10.

Босмага бериш вақти 18.00. Босмага берилди 17.00. Буюртма — 6509.